

Autor Arubiano Quito Nicolaas cu reconocimiento internacional na China

ORANJESTAD
- Recientemente e
conocido y afamado autor
Arubiano Quito Nicolaas
a ricibi notificacion cu
su obranan a ser elegi pa
keda publica den un buki.
No simplemente un
antologia, pero e biaha
aki den e Encyclopedia
Internacional di Poetanan
Contemporaneo.

E encyclopedia aki cu
lo contene 900 paginas
ta contene obranan di e
poetanan mas conoci den
e mundo di literatura.

Di tur continente di Asia,
Africa, Medio-Oriente, Norte
y Sur-America, Caribe y
Europa e ta contene poesianan
di e grandinan aki.

Den e encyclopedia aki lo
includi su biografia, y tambe su
bibliografia, esta e bukinan cu
el a publica te awor. Acerca lo
menciona e antologianan den
cual su poemanan a aparece.
Tambe lo menciona su otro
actividadnan como reseñador
di buki, essayista y orador
cu ta duna charlanan. Su
publicacion internacional e.o.
den un revista Albanes tambe
ta inclui den e lista.

E Centro aki na China kende
ta auspicia e publicacion, ta un
Centro di estudio y traduccion

di e poemanan.

Di e manera aki ta trata na
trece e mundo di poesia y
di poetanan hunto. Y tambe
pa stimula un intercambio
di e mensahenan poetico na
mundo.

Na december proximo e
encyclopedia lo sali publica
na China. Cada autor lo ricibi
un ehemplar di e prestigioso
encyclopedia aki. E autor



mes ta hopi orguyoso cu e
reconocimento internacional
aki. Sr. Nicolaas a confirma

cu e Encyclopedia aki lo haya
un bunita lugar den su cashi di
buki.